

義行

南齊沈恪丹陽人永定初爲宣猛將軍陳霸先謀篡使中書舍人劉師知引恪勒兵入宮衛送梁主如別宮恪排闥見霸先謝曰恪身經事蕭氏今日不忍見有此事決不奉命霸先嘉其義亦不復逼

宋李化清建業人藝祖平江南避地暨陽兄弟多雜伶人中化清潛諷詩書動止循禮事父母至孝常持巨竿釣魚供養遭父喪哀毀柴立造廬墓側栽植松柏妻孥至亦不之顧暨陽山多虎夜無行人

上元縣志

卷二十二

義行

一

化清之廬絕焉里人異之制滿還家疏糲度日教授鄉里從者翕然司馬詹爲邑佐爲文志之

秦熹者其先自南泉徙居秣陵爲人長者歲收租萬斛鄉民輸粟每令自行概量間捐之鄉人德焉當熙寧元豐間頻歲饑饉作米粥以飼往來之人計升斗以給乏絕之家全活甚衆有司聞而薦之不  
起

王進德字仁甫其先自汴來金陵勤苦生殖家以日豫進德事兄如父好施濟無所恡郡庠燬進德構講堂并陳設器具所費七萬餘緡賣宅一區割田

九百畝創建江東書院置義莊以贍親族修城隍以擇井田父母忌日修時祀致終身之哀生平謙和惇厚未嘗以貲富侈而傲貧賤炎天獨處亦必正衣冠見者肅然年八十四卒其從子名子清字寅叔事母以孝聞亦樂施而好義人稱其世濟美德云

明杜環字叔循好學重然諾周人之急父執常主事允恭死於九江家破其母張氏老無所依知交皆不納懸鶉冒雨訪環環禮迂固留養家貧屢勉率其妻馬氏敬事母母性褊急少不愜輒詬怒環戒

上元縣志

卷二十二

義行

二

家人順之勿慢如是者十年母有幼子伯章失所在念之成疾環以事至嘉興遇之具以語伯章踰半載始來值環初度母子相持大哭家人忌之環曰此人至情任之伯章貧乏又度母老不能行竟托故捨去母疾增劇環事之彌謹又三年卒爲治喪具時祀焉環後爲晉府錄事晉工部主事焦太史請祠鄉賢

周祓其先宋元間九世同居國初王師渡江祓糗糧以迎乃詔官祓五寧主簿正統間祓孫鏞者出粟賑饑旌爲義民

李疑金陵義士也家分好周人急閭巷子弟執業造其家得粟自給不足則以六物推人休咎金華范景淳爲部吏隻身得疾人殆之不肯僦舍杖踵疑門告曰不幸被疾人莫舍我聞君義甚高願假榻疑延之入汎室具牀褥爐竈居之徵醫躬爲煉藥煮糜旦夕執手問所苦旣而不能起溲矢衾席穢不可近疑日爲浣滌不怠淳涕日累君矣恐不復生無以報德囊有黃白金四十餘兩在故旅邸願自取之疑辭不受淳曰君不取爲他人所得何益疑遂同其里人偕往携歸面發囊記其數而封識

上元縣志

卷二十二

義行

三

之淳死疑出已財殯於聚寶山舉所封囊寄其里人家往書召其二子至按籍而還之二子以米饋不受反贖之以歸平陽耿子廉械逮京師其妻孕將育衆拒門不納妻臥草中以號疑問故歸謂婦曰人孰無緩急安能以室廬自隨哉倘產而爲風露所感則母子俱死吾寧舍之而受禍何忍死其母子俾婦遂以歸產一男疑命婦事如疑事景淳踰月辭去不取其報人用是重疑稱曰善士太史宋濂爲之傳

魏澤字彥恩原籍溧水世居金陵歷官刑部尚書謫

寧海典史方正學死節宗族坐誅者八百七十三人初錄其家時公委曲周全藏其幼子德宗以故正學尚有後至今高尚書之義不衰

劉蒼字伯春鷹揚衛千戶九歲嗣官十五入武學篤志刻勵嘗得遺牒於道乃解戶所領千金部收也候其地三日其人號呼來覓蒼舉與之請酬以金却不受爲子麟擇師使受業趙經先生經之父曰趙端敦廉隅不妄交獨敬重蒼麟後爲名臣另有傳

陳義尚義不苟於時溧陽徐尚書潛匿建文帝事發上元縣志 卷二十二 義行 四 抄錄一門有幼女發教坊司公陰庇之不使污辱後遇赦公爲嫁之尚處女也鐵尚書二女亦公保全以從良一時清議稱其有士君子之風

姚讓字文敏家世饒於資而讓承世業勤生節用富累不貲性樂施與凡貧不能葬其親死無棺殮及轉徙流離無所依者叩門告之立爲周濟未嘗有難色橋梁道路廢敝者聞見所及卽爲修葺景泰間南雍志成山工食版木之費梓之至於自奉布衣蔬食如寒素子弟衣服飲食及家人婚喪之用俱有常經未嘗妄費惟不喜僧道一錢無所施也

晚更慕向儒術朴實近理裏人多傳誦焉

龐玉宣德間爲萬石長舊長瘠民肥家乃以公代家  
人憚其勞請辭公曰丈夫達則利天下窮則利鄉  
井安能佚其身以無益於世耶從事二十有八年  
靡有過舉以母老謝事當爲長時值歲歉不取盈  
有司或詰之公曰民不康食何忍橫取吾寧輸粟  
以給上有司爲減征民多賴以存活成化壬寅歲  
飢公輸粟二百五十石賑荒詔嘉其義授七品官  
公曰吾非有覬但利物吾素志耳年七十五卒五  
世孫蘊奇有文行以族屬旣繁乃修宗譜以風敦

上元縣志

卷二十二

義行

五

睦劉思敬爲之序

徐震字廷威其先吳郡人寓居金陵以節行自高錦  
衣指揮呂貴嘗以白金十二斤密託以遺少子貴  
死召其子還之其子啟封疑焉震不與辨後數日  
召數故人並其子出貴手帑示之其子愧謝搏士  
沈立者善數學推其子後當貧嘗託以白金三斤  
後訪其子果貧亦召而與之其不負然諾如此

劉俊字公偉其先浙人遷金陵年未四十妻亡子始  
生其歲誓不再娶有勸之者每答曰妻本爲繼嗣  
吾幸有子矣使再娶不賢未免有累於吾子由是

終身不御女色天仁孝友杭城諸父歿皆在淺土  
後過其地咸負以歸置墳安葬處已鯁介人皆敬  
之年入十六而卒里人稱曰松隱先生

王指揮世襲虎賁衛妻死不娶與母居孝養備至人  
稱爲孝義王而不名有同官黃某遠謫久不通問  
其妻貧不能存成國朱公儀憫之且知公喪偶欲  
以黃婦妻之一日召王母謂曰吾欲以此婦配汝  
子王母唯唯次日復召王君語之亦然蓋成國乃  
其主帥不敢拒耳既歸王君異寢處居數月黃母  
偵知之往告成國隨召王君詢其情君曰夫固在

上元縣志

卷二十二 義行

六

某若與同寢他日何以明况彼失節卽某失節也  
成國曰然則如之何曰如爾全曷若遣送謫所某  
家有老奴夫婦皆六十餘某當給路貲令其伴送  
到彼成國亦有賜遣行由是益重王君

王繼文素行忠信不欺有洪姓者貸其銀五百金三  
年始償而暴卒其弟與子不知也仍託友求緩期  
公曰還我久矣洪之族皆感其德所交游稱貸甚  
多前後不下萬餘金度不能償者悉取券焚之嘗  
市絲武林邑人聚觀公問故皆曰聞君帝都忠信  
人願識其面耳

論曰義者事之質也自忠孝廉節以至日用尋常之行無不本於義又利已謂私利物謂義易曰利物足以和義苟有利於物而義在焉義不盡施與而施與其一節也沈恪決不奉命李化清造廬墓側義重君父也杜環留常母張氏李疑藥范景淳疾義重朋友也魏彥恩匿正學幼子陳義尚庇徐尚書幼女不休利害於義尤難劉公綽不再娶義在夫婦也徐廷威還金劉伯春還牒義不苟取也主指揮人稱爲孝義而不名王繼文忠信人願識其面義能感人也秦憲歲收租萬斛歲凶賑貸窮

上元縣志

卷二十二

義行

七

民王進德建江東書院置義莊修城隍周祓糗糧迎王師龐玉不辭萬石長姚讓捐梓南雍志是亦能用其財者孰謂之非義哉

何岳字畏齋留守衛籍嘗夜行拾遺金二百緡不與家人言凌晨携至故處有尋至者問其數目封識皆合遂以還之其人欲分數金爲贈岳曰拾金而不敢隱豈利數金者乎其人感謝而去又嘗授經宦宰值主人以事入都寄一箱於岳中有數百金曰俟遣人來取數年絕不通聞適其姪以他事至因託之寄還觀察汝健其曾孫也

高仲光豹韜衛世職六司馬遺賫疏入都行至山東  
投旅邸得遺金一囊約二百餘兩因解鞍秣馬以  
待至次日客始尋至且泣且訴仲光取付之各問  
姓名而別先是仲光踰四十無子嗣後生四子長  
名居仁中萬歷辛丑進士

鄭典前京兆鄭公瑩之裔也家金陵爲府學諸生齒  
且縮矣訓童子於大中橋尹氏夜臥館中羣盜猝  
至斧主人門不得開粹典令呼以入典不可盜以  
刃迫之典大言曰吾受主人請訓若子乃爲若輩  
啟門以刼之豈復有人理耶口不可開也盜不得  
上元縣志

卷二十二

義行

八

志掠生衣被縛之逮明主人出乃解其縛人爭重  
之

揚朝宗字見卿性狷介非義不取嘗館於大姓徐氏  
有同門生易某相友善貧無以自存將投故知於  
汴朝宗曰道路遙遠人心叵測適有館穀之便可  
少留乎易喜過望時徐姻有杜兵部者將合其子  
從朝宗學朝宗遂以讓易而易更欲得朝宗之館  
陰謀奪之聞者咸不直易奮臂來告朝宗笑曰故  
人情厚寧有是耶明日遂託故辭徐而舉易自代  
以是咸多朝宗而惡易會正德間修郡志將列其



事朝宗亟止之日初友之過以成已名君子弗取也况彼爲貧累耳亦何過哉人以是愈多朝宗爲不可及

趙善繼邑庠生倜儻負氣重義直言嘉靖末年坊甲苦役傾家殞命者相繼有司寘若罔聞善繼日夜謀與同里救父兄門庭之難奔走陳訴已而疾苦漸達於諸要路會郭給事具奏得請下所司悉爲蠲除民獲更甦事詳祠中卒之日異姓來哭者數百人從祀惠澤祠

馬上圖字文先少孤而貧養孀母撫諸弟姪費筆硯

上元縣志

卷二十二

義行

九

以盡其歡余中丞集生喜其踴涼延以教子諸子貴介侈聰辨公收以夏楚不少徇中丞益敬禮之執友之妹貌陋而跛年及四十媒妁不一顧公獨娶之以侍母養鄉黨聞文先之風皆相觀感焉

劉體德邑人家貧養親能極其歡驛郵素無常卒取間左殷實更之黠者多賄脫愿者破產以饜胥吏體德憤白之臺憲京兆撓者益多而言之益力卒至上聞於廷得所請乃已里因深德焉又吳商席氏者怨家誣以寇謀株繫逮二百餘人楚掠哀呼莫敢嚮邇體德悉其冤憤激營救當事義之獲解

席謝以千金體德掩面却之自是名益著流寇薄  
江上復上防江十二策頗爲當事所採又請於本  
兵捐建敵臺寇卒不敢窺江歲飢賑糜出糶民於  
淹繫囹圄者凡諸除道利涉之舉日孜孜罔倦其  
子自慊性醇謹爲邑文學有聲

崔翬字去文京衛人幼負雋才庠序日爲白眉父時  
舉仕至參戎翬賦性冷峭不妄言笑群居燕集衆  
喙爭鳴翬獨默然時然後語痛闖禍棄妻子與同  
志王生繼日入深山坎壈以死王生授室未久委  
妻子行人尤矜其志云

上元縣志

卷二十二

義行

十

王馮字杲青四川學憲芝瑞公子至性過人豪爽有  
大節芝瑞死王事藁葬端州西郊之梅菴馮家赤  
貧徒跣奔迎經營踰年間關萬里奔柩以歸時六  
合潘公士奇與芝瑞同官同志同患難同葬梅菴  
馮載與俱歸方起櫬時見菴側更有兩棺暴墻隅  
詢之菴僧曰此故廣東直指顧公之俊及其父棺  
也之俊與芝瑞爲患難交瑞歿時之俊爲經紀其  
喪馮嘗從旅壁讀之俊文心儀之至是悲感不勝  
乃葬之俊父於已父壙葬之俊於潘公壙各碣其  
墓而表誌之

張之斗號希垣世職千戶中萬歷己未武進士累官  
浙江總兵闖賊陷京師之斗居隱君山不復粒食  
口採野菜啖之間進酒果而已如是十六年子迎  
歸卒於家

王承芳字元美先世歙人遊學白門從外父賈遂家  
焉以歲時洗腆屬兩弟繪同心圖各持其一族有  
死喪時其多寡而周卹之故人有溺死者歲時呼  
而奠之里人呼忠恕翁拜光祿丞不仕從祀鄉賢  
曹臺望字肅應上元諸生性至孝父病侍湯藥不離  
側幾忘寢食形爲骨立寇亂捐千金倡修城垣巡

上元縣志

卷二十二

義行

十一

按御史嘉之題授恩貢嘗夜宿淳化鎮聞隣人以  
債迫棄其妻爲罄囊贖還其好義類如此子鳳禎  
順治辛卯舉人

武尚號橙墩金陵世族有才俊富而好學孤高不喜  
聲利家宰掄才擢臬職辭不就縉紳多知其名居  
嘗重義輕財一日燕客失金卮妾蘇氏不以聞蓋  
恐失坐客歡也曷善之有族人負碧山齊王孫貲  
千金碧山以空室鎖之招曷飲曷曰族人囚而我  
高會可乎疾歸謀諸婦出所有服飾以償無吝色  
聞者以爲真丈夫

金陵乞兒不知何許人明末冠笏冠履朱履挈瓦礫  
竹筐乞食於市善與之則鞠躬受嘯蹠則弗顧也  
甲申北都陷乞兒日坐鍾山放聲長號衛士惡之  
操戈往逐輒飛屐走脫會大兵南下乃碎瓦礫毀  
窳冠題詩秦淮橋柱曰三百年來養士朝如何文  
武盡皆逃綱常留在卑田院乞丐羞存命一條擲  
筆投水而死

論曰義行不必多財也有財不吝善矣然不有財  
而義在必爲則人之賢不肖相去不益遠乎何畏  
齋高仲光還遺金不受謝一介不苟取也鄺典楊

上元縣志

卷二十二

義行

七

朝宗爲人傭書耳典刃加頸不爲盜啟門朝宗始  
終包荒貧友天性敦厚使然趙善繼劉體德諸生  
救鄉里門庭之難惠澤實大馬上圖師嚴道尊翟  
去文坎墮以死王馮徒跣奔父柩並載潘公士奇  
顧公之俊柩歸蓋父芝瑞之同官同難友也張之  
斗聞閩變居隱君山不復粒食王承芳里人呼爲  
忠恕翁曹臺望侍父湯藥不離側形銷骨立武曷  
出婦飾代償族人負千金乞兒甲申變後日坐鍾  
山長號題詩秦淮橋柱赴水而死嗚乎豈真乞兒  
哉

國朝胡陽生字復之生八月而孤母陳氏茹荼攝護導之成人陽生機警敏捷嫻習禮儀八歲就外傳已彬彬有度十四入太學器識日進坦懷大量尤嗜義若渴人有乏者投之輒應屢應不疲喜聞過不言人過交遊中有可短長者第心覺之雖子弟不使知也事母至孝訓六子皆有成長禹冀順治乙酉舉人秉鐸姑孰教士有聲陞唐山令以年老乞休督學魏公舉鄉飲禮冀爲大賓孫任興康熙辛酉解元甲戌廷對第一自有傳倚衡庚辰武進士任越嶲守備處徭獍錯襍之區綏靖有方軍民倚上元縣志

卷二十三 義行

三

保障焉尋致仕歸川人至今思之

吳紳字德卿其先歙人祖新祖官南太常卿卒於在父上和以奔喪道卒紳時方七歲弟以誠在襁褓中與母陳氏依外舅居已外舅亦歿遺腹生子衣聞母子茕茕朝夕不繼乃棄書學賈人業家稍裕爲弟及表弟冠婚入冑監無纖毫自有其財也天惟寬以尤急於成人之美已亥贖難婦千數當事請旌之紳曰拯災卹患君子分內事耳可以此市高名乎制府郎公設粥廠賑飢延紳董其事粟間不給卽出案中全任之自通濟門至華陽古道六

十餘里皆紳獨力所葺生平孝友嫻睦動必以禮  
自持鄉里稱真長者子二續雍庠生續札太學生  
孫允誠辛卯科舉人秉恕壬子科舉人庚子修邑  
志多秉恕筆

朱之元字龍江容觀甚偉以任俠聞嘗遊江楚間與  
左崑山良玉黃虎山得功友善楊武陵以閣部督  
師崑山不聽調之元勸之徃弗納遂拂袖歸時時  
借懋遷力相民之窮乏者濟之乙亥江右疫作趨  
治裝上徧施藥餌棺木活民無筭過九江中流颺  
作之元出賞格募善泐者沿救十全五六後崑山

上元縣志

卷二十二

義行

十四

駐江洲復與之元遇酒間語呂督師見疑狀之元  
曰將軍起行間每戰必克賊胆落久矣固當渡河  
援汴會勦關陝寧以小嫌介意耶崑山嘆服貽米  
千斛遣卒護之歸道遇飢民盡取以賑抵家卻貴  
陽聘教子孫登賢書並有令譽卒年八十健菴徐  
公誌其墓

黃嘉善孝友樂施奉寡母惟謹撫孤姪如已子姻戚  
待以舉火有鬻兒完課者代贖之隅革時婦女多  
流離每贖還其家有閨秀蒙難令與已女同榻送  
歸父母兄來謝却弗受鎮江受兵更倡首贖難歸

數百人中有產婦又爲糜肉藥餌及襪祿茵藉一周之一友無子密托善二千金友亡嘉善卽覓其弟與壻畀之預知卒期無病而逝

黃捷字登三孳孳爲善皆人所難行凡飢寒急難之事莫不奔告告必有以周之或值匱乏必廣募同志委曲濟之臬司府縣諸獄久裁獄食囚多餓斃捷爲經營粥飯擇朝天宮隙地支大鍋僱役每日舖囚必週時多重繫人皆危之捷素行爲上下信服絕無疑忌大江風波不定燕子磯尤險捷醲資僱水手拯溺撈一活人者一兩屍五錢仍給葬埋

上元縣志

卷二十二

義行

五

之具凡失水釋械者常環集其門合掌謝曰公再生我公再生我聲感路人一時里中稱善人者首舉二黃謂登三與君甫也

朱純德字子明當明季時以鬻財走四方所至傾其長者家旣饒裕念先世自海陵來江寧已三百餘年生齒日蕃族人或貧乏不能自立乃出橐中金四千置義田若干畝做范文正公遺法爲宗祠以合之凡族之婚喪衣食取資焉長洲韓宗伯慕廬爲文誌其墓子弘策由貢生任工部主事孫汝琳寄嵐州汝珩大同府

呂貴祥字御鄉世居邑之北門橋爲人忠直尚氣詎嘗早出見婦人與孺子哭甚哀問之蓋其夫負帑金賣婦以償業受價西人而母子泣別者也貴祥惻然詰所負之數曰將百金歸罄所有才及半妻高氏脫簪珥助焉遂召其夫授之復曰汝宿逋雖完而資生無具將奈何汝明日來吾爲汝策乃貸他人數十金以贈其周窮好施類如此後與高氏同得壽九十餘人謂盛德之報云孫方簡庠生有文名

田種義字荆璞家世貴介義獨棄舉子業往來江淮上元縣志

卷二十二

義行

去

間敦尚氣節國中待以舉火者數百家歲大飢斗粟千錢義多方存活又嘗見某衢一帶傾圮爲行人憂誓心修之而耻居其名今條狼里道一望如織皆其惠也孫倬補博士弟子員敦行勵學從游多知名士倬子元龍文龍虬龍俱有聲黌序

田種玉善行與荆璞齊名至二世孫見龍躍龍猶孝友義讓不怠見龍子光祖繩祖躍龍子繼祖

邵御龍字公茂先世以餘姚舊族就居燕磯兄弟早世撫孀孤十餘口無德色生平好行善事倡首渡生會其一端也處鄉黨有俠骨於朋友尤厚見有



貧乏者解囊聽其自取遇人急難事輒排解不留  
餘力人服其信義事無大小咸取決焉及歿聞而  
哭之者千餘家子璿玳瓚珩璠璣生尤有父風  
蔡時智字玉卿性樂善好施捐金修欽虹橋石欄與  
除蓬搭不便者碑頌屹然康熙辛未舉鄉飲俸宿  
壽七十五歲

談禮字慎修太學生少讀書務躬行實踐之學慕范  
文正公之爲人事父母孝母病祝天願以身代與  
同學黃輯五友善命仲子仕麟往叅四書會要錄  
晚與何退夫講關洛淵源輯朱子家訓行世生平

上元縣志

卷二十二

義行

七

陰行善置義田數百畝贍族自爲記教子孫讀書  
修行凡善事無不爲壽八十卒子仕龍仕麟仕成  
仕名仕揚皆通籍孫曾科名鵲起於時稱盛族焉  
談仕龍字雨蒼性恬淡屢徵不就踵行父志修橋梁  
製衣藥施棺槨義塚善行多端普育兩堂兼有飲  
助制府趙公以好義可風額旌之

程燁字闡章性誠樸早喪偶不再娶侍父寢三十年  
裏衣垢必親澣父年九十歿燁老矣猶孺子泣云  
呂垓太學生輕財好施與村有虎害嘗捐資召獵人  
除之又條陳差役之繁重者於官請示嚴飭歲省

四萬金衛軍困漕項有年垓請以官收官兌積弊頓消同時文學賈鳳宣亦倡義共勦有成云

謝文表字士奇登山公裔性忼直好義積累善行

國初因漕運積弊運戶罹於獄者近千人文表獨力維持獲免人皆德之曾孫鐸郡廩生錡邑庠生俱有文名

汪渤字朝宗府學庠生老宿也性篤孝交誼以義尚敦直不讓古人督學李公贈孝友無間匾額子楨字維周太學生抱經濟材院司委理普育四堂逐款區畫周詳輯普育條規行於世且出金襄協命

上元縣志

卷二十二

義行

六

姪文炳分辦堂事幾獨多所存活至今不廢楨子文煜字闇先號柏齋以同知効力南河授泗州牧制府以能員疊委會訊省府案件鄉里榮頌之州有淤地重民累文煜代爲輸逋詳請邀免泗民德焉

陳漢字西泉當明季時樂善好施計施棺五十餘口棉衣五十餘件置義塚于鳳臺關啓其所有歿無寸土常謂子孫云些須不足以了事莫若爲爾輩立一根基孫起祥曾孫鶴鳴皆在學

陳白欽字惟重定宇先生之裔延師課子姪以研經

寃理續定宇一燈事親色養惟謹孺慕不衰建祠  
先塋側每春秋祭掃輒墓宿忘歸恭厥兄克篤孔  
懷鄉里敬服之宅後有園構樓數楹清池嘉卉環  
列顏之曰香月終日兀坐其中聞書聲則喜樓今  
爲諸孫講誦之所仲子光俎有香月樓集行世

陳漣字聖文號葯園惟重長子由太學考授州牧天  
性孝友親老不樂仕進一以經營家計爲務後息  
肩愛閑靜不與俗衆伍然屬以大事則慷慨立諾  
雖多金不惜急難中能引手人多任之鄉里咸目  
爲長者卒年五十有四子筠邑庠生弱冠卽有文

上元縣志

卷二十二

義行

五

名

蔡澤字霖蒼號雪巖隱居寄情于畫所得潤筆盡以  
贍貧鳩江王某家十三棺未舉捐百金爲贈世比  
之麥舟壽七十三子麟孫錦舉人任湖廣縣令

汪文魁字斌元父做儻喜交名流文魁綜家政日夕  
維勤以養親志友愛其弟析箸時推多讓美弟歿  
撫猶子逾厚有薛孟嘗之風焉內外親及知交待  
以舉火者日凡數輩稱貸或至百金力不能償輒  
然其方人多義之

高職字以陽性恬逸善修養年九十面如童顏人號

爲地仙鄉里有困乏者多陰贈之子象霖亦繼父志遇貧乏必周卹尤精岐黃活人無筭遠邇皆稱德焉孫元倫亦精父業

周德卿性敦厚尤卹宗族凡不能婚嫁殮葬者皆代爲經紀之數十年無倦色姪婦朱生兩女二十五歲而寡無所依倚德卿身任贍養爲二女擇壻婚配成朱氏完節焉

李國琦字闇公國學生性誠篤好施與于養濟院捐千金以養殘廢永慶寺捐千金以整傾圯聞淮安水患被溺甚多謁太守官願輸銀二千金助賑時

上元縣志

卷二十二

義行

二十

江寧亦荒守移于本邑賑粥琦以非已本意復出二千金賑淮守顏以額韋彰義行欲聞于上琦辭不受蓋其樂善天性然也子早卒孫文在太學生周之武字子揚天性豪爽器量宏邁凡與人事如已事自古遊俠風早卒子鍾岳甫十齡失怙零丁子立心懷大志舉成均雖不規規于咕嚕而雄談快論過之晚年好施與孫澄任粵東新安縣佐攝增城縣掌行能聲

劉德澤字芳遠國學生天性孝女嘗割股以救母病待弟妹以大義經營家計日昃不暇入遂棄舉子

業兼治岐黃活人無筭遇貧乏者不取值鄉里德之卒年六十九子三長模國學生次上達入郡庠次繼藜習父業

翁與吉字啓吾先世虞山人遷金陵幼失怙恃事生母劉盡孝一日適市聞隣火延宅急歸救視門已火封知母未出奔赴火中抱母在室四圍俱燼而此室獨完人以爲孝感所致伯兄季弟業儒不治生與吉篤于友恭服食器用悉爲推讓後出遊多年子之楨尋歸已六十餘矣順治丁酉舉鄉飲賓楨承父志樂善好施倡修南門橋當事給儀仗以

上元縣志

卷二十二

義行

三

資督率其見重如此亦舉鄉飲父子俱享年八十時有善人孝子之目楨子士仁需次州同孝友尤篤其施濟也至破其家而不恤士仁子貢生澍績學砥行澍子志梅弱冠有聲爲太守官公督學崔公首拔士皆謹厚好施蓋其家法然也

張英字千子指揮使朋正之仲子也祖希聖忤嚴嵩子廷杖削職朋正十九爲名諸生南兵部王公觀風奇其卷命補狀復世官英例得稱舍人不屑就讀書領順治辛卯副車結子社五經社年四十無嗣會甲寅藩逆變豫聞越三省婦女流離播遷江

寧舊城內者數百人英倡捐與贖還籍制府于公額其門年七十長子元文學

吳永錫號敬庵郡庠生不屑聲華而務端行檢嘗謂魯論已立立人已達達人二語求仁最近因力行之設救生船懸賞格施丹藥療疫多所存活置義田數百畝贍族前制府建普育兩堂捐貲千金生息以佐堂費身親襄事不憚辛勤垂老命子定國踵而行之定國字綬萬太學生候選知州

高尚賓字瑞生陰行善事以忠厚訓其子孫壽九十六歲子文廣紹聞衣德尤樂解推己亥鎮江兵燹

上元縣志

卷二十二

義行

三

倡首贖難婦千人制府于清端公旌其門却弗受歲暮擔錢給貧民於路不告以姓名壽八十六歲孫以靜太生江西南昌守

涂良高字昇之考授州同知性慷慨好施與鄉黨有貧乏者多方周卹凡遇人難雖解衣推食概所弗恤晚年究心禪學壽八十豫知卒日期沐浴命家人環集合掌而逝異香滿室子曉字徹儒雍正丙午舉人嗜古善詩著有竹香草堂集尤精于醫全活甚衆孫逢源邑庠生

童國禮父之奇應天府庠生值明末兵燹連遭凶歲

賣田產罄所有以資貧乏家道中落而好善不倦  
子殿元康熙庚子舉人歷任四川通江成都等令  
程應文字爾華性敦孝友雅意好施曾建橋於王后  
山畔行者口碑于路凡值歲歉輒免農人分租絕  
無德色晚年舉鄉飲爲無愧焉

王勳字熙載附監生天性孝友父公綸染疾醫藥罔  
效到股肉和藥以進得瘳及父卒兩弱弟俱未成  
立勳爲之置產授室終三十餘年兄弟無間言生  
平然諾不欺曾館某姓家某遭變故寄託家財若  
干及事平原封繳還更爲之焚借券免銖連者百  
上元縣志

卷二十二 義行

三

餘家後某見勳屋舍傾圮置房一所相酬力却之  
弗受也其耿介大率如此夙精詩古文詞著有漱  
石山房文集子三次金鑣增廣生有文名

杜弘字爾文西寧茶馬大使三載歸好行善事嘗曰  
吾非爲善不樂康熙乙丑大疫立醫社施丸散鄉  
人賴以存活甚衆立義塚於惠應寺傍紳士額其  
堂曰弘仁子孫世守至今未墜子國俊邑庠生

王琮字若士上平多樹厚德年十八客京江聞母病  
急歸冒風浪大作舟覆漂流江中三日夜不死歸  
奉湯藥人以其爲誠孝所感族弟某與表妹某均少

孤撫之成立伏其婚嫁初族未有祠獨力建於燕磯之麓置義田百餘畝贍族一切支應定有恒規可垂永久族人議建生祠報之卻不受年八十卒子孫林立膠庠皆有文譽

尹文元字祥字時六邑鄉民有少女被海寇擄掠散失父母懇依文元遂携之歸擇配遣嫁如已女又行至七里洲拾遺金一包候其人哭尋至還之洲人有老痴之稱

芮秉理字斯玉性孝友最敦善行嘗客山東值歲饑傾囊橐爲粥以賑之諸商人爭高其義居里中施

上元縣志

卷二十二

義行

三

棺木給綿絮舉凡親友不能嫁娶殯葬者皆實心周卹無倦志壽至八十而終子大昌太學生

錢應忠字蓋臣性尚義氣不殖貨修天闕大路埋枯喪數十冢七旬彌留遺命子士遂焚借券累千金孝廉柯與長傳其畧

馬埏字與圖性醇重義父以幕遊粵東卒埏甫冠負骸歸里營葬嘗與弟履吉之越有同舟者遺金數百兩昆季義還不昧嘉湖人爭傳爲金陵義士云後家道遂不興俱登上壽其子姪重英士衷士溶皆能克其家



黃開宗字裕我幼以孝聞順治間海寇犯金陵族姊居郭外幾不免宗崎嶇兵刃間卒脫于難生平言動起居皆有尊準與人交始終不渝寒峻賴以成就者尤多子一鳴太學生孫怡祖舉人曾孫家駿廩生

雷鳴漢字天發三韓人由監生仕江西鄱陽縣丞爲人然諾樂慷慨視人事若已事時倚任焉年八十七卒

楊迺春字乾生隱居養親倡義蠲賑建塚掩枯骨壽年八十有六子大濱丙午副車大漢太學生大濱

上元縣志

卷二十二 義行

三五

舉人太平令大灝丙辰進士孫曾俱名重庠序

王朝政字公贇性孝與弟朝德共承歡殫力先緒數年亦以日啟生平尙義重然諾樂善好施與尤篤厚于宗族子以秀已酉鄉薦以昌翰林編修朝德字公脩子以式已酉涇湯令雯丙辰賢書邵陽令秀子銘琮甲子監利令昌子銘琨典江蘇藩庫諸子姪皆通籍孫曾十數人蜚聲庠序時稱望族論曰君子周急義之端也見義必爲其人進於道矣自史遷作貨殖游俠兩傳厭貧而輕儒後世譏之作史者槩從逸去夫居貨而能散近俠而不倍

所裨益天下又豈尠哉予錄胡陽生以下三十餘人終義行一編非徒拾古之遺亦以積善之家必有餘慶期共有所興勸云耳